

瓊山縣人物志目錄

忠義

宋

謝明

富

冉安國

黃之傑

元

周仁

明

郝信

王正

俞寬

谷泰

王欽

國朝

瓊山縣志卷三十

人物目錄

梁際運

鄧朝麟

吳壯猷

奮勇附

明

蔡從龍

張紹鵬

王世臣

崔上臣

國朝

蔡傑

吳道權

黎必耀

張遇春

張志綱

孝友

元

王紹

明

蔡庸

榮瑄

王恢

唐繼祖

鄭稽

唐麟

周禎

楊禎

張可載

王盤

徐福

孫思誠

陳鉞

李廷茂

周維城

李輔聖

國朝

周其都

林昌運

鄭存禮

林朱密

舊志作朱審

劉繼漢

吳位和

張載燻

黃政燿

瓊山縣志

卷二十

人物目錄

二

儒林

明

唐濂伯

王斌

陳麟

周賓

陳憲

蔡廷相

子時行 孫蘇曾

孫一德 一賜附

鄭汝喬

吳格

曾應唯

馮天與

陳維臣

余啟

王世昇

陳邦猷

林琅

鄭儒

牛全

邱承箕

張子翼

陳日新

馮嘉遇

國朝

吳黃煥

張覃勳

蔡文賢

蕭璋附宏猷

杜克紹附弟克緯

鄭鎮

雲志達

王斗文

王時宇

王之藩附子孚若

馮玠

李琦

陳琮

符家麟

符元禮

王承烈

杜以寬

文苑

元

林靖

明

曾僖

王朝隆

楊碧

瓊山縣志卷二十

人物目錄

三

李珊

蔡齊宸族姪秉乾附

陳衍

王濂

周奇健附姪宗本

甘永泰

周世昭族弟鳴臬附

唐冕

柯呈秀

國朝

周景

謝寶

王凝機

周政府府志作正

陳毓法

周其焜

吳榮光

林淇棻

黃光祖附子金華

吳魁朝附弟魁仕

黃兆炳

林文煥

杜應清

馮定儒附祖翰文父鳴珍

曾日躋

陳韶中

柯世振

楊文熙附祖信川

瓊山縣志卷之二十

人物志二 忠義 奮勇附 宋 元 明 國朝

宋

謝明

謝富

冉安國

黃之傑 傑史作紀 俱郡人宋末祥興元年從安撫趙與

珞拒元兵於白沙口極力死戰被執謾罵不屈

元將怒皆裂殺之 戴通志 祀於祠 蕭志

元

周仁東洋一人時疫流行傳染多死疫人畏禍引

瓊山縣志卷二十

人物二 忠義

去仁獨留視曰生死有命棄之而逃不忍既而

死者葬病者藥仁亦無恙至正間為石山寨巡

檢與賊戰死之祀忠義祠 蕭志

明

郝信為中所總旗天順四年千戶邵偉子邵瑄叛

舉城奔潰信厲聲罵曰朝廷素日養兵欲用於

何時遂奮刃殺賊三人賊眾驚走追敵不已卒

死於賊祀忠義祠 牛志

王正海南衛所指揮成化乙巳春偕指揮徐鼎白

京返瓊舟次廣州波羅廟前風大作舟覆正推

蓬出抱舵得不死嘆曰吾友老母在吾與萬里

歸友死吾何忍獨生耶頃電掣見傍有艇遂冒
攀登岸求斧劈船底數艙出鼎因而活者四十
餘人餘屍亦爲撈厝牛志

俞寬爲人倜儻動必法古尤酷於利物有阨難者
必濟之宏治壬戌有婦暮投其舍問之曰我抱
原寡婦也強暴者欲污我故避之已不食三日
矣寬以爲義命家人伴之且爲之餉明日婦辭
去強暴者聞之恨寬阻阨其事以勢逮之獄誣
其與抱原男子盜婦而匿之時無良有司故爲
勢所脅甚爲之捶楚男子懼而自經寬不可逃
仰天一呼捶楚盡折人皆寬之獄三年不決一

瓊山縣志

卷二十

人物二

忠義

二

日誣寬者狂呼而死有司始出寬於獄他日有
囊錢布過者悞遺於地寬追而還之見人困踣
於地而不能前者舉其杖授之濟物之心始終
不變當時皆稱俞義士云阮通志

谷泰海南衛指揮平居以忠義自許宏治甲子春
督備東山所適南山等黎岐越萬州界牛姆芋
等處流劫時兵備副使王繼懦怯聞報黎賊者
輒杖之泰曰官名督備乃懼上司而忍吾民受
害耶卽率官軍衝前擒捕奪回被擄者甚衆賊
驚退後賊大至軍少力單奮勇不已遂死於戰

州人至今哀之牛志

王欽世籍土舍少爲諸生剛方尙義善騎射萬曆二十六年居林居祿二崗黎反欽募兵捐餉同官軍討平之編隸版圖兩走京師請豁黎浮田稅鄉人至今稱頌之

荆志

國朝

梁際暹字賡人梁沙人中康熙癸卯鄉薦有智謀康熙十六年黎賊那父那嘎煽亂蹂躪州縣僉事范養民命際暹領鄉兵進剿擒殺賊黨數十父嘎勢窮就撫二十年土酋韓有獻等勾通海寇楊二謝昌內外蠅起奪海口城據之二十二年瓊鎮劉成龍謀於護理道事佟湘年復命際

瓊山縣志

卷二十

人物二

忠義

二

運進招有獻出郡歸誠地方始靖

參蕭志

鄧朝麟東營教場人充鎮標右營把總康熙四十年黎賊王鎮邦騷擾官兵往剿朝麟奮不顧身衝鋒陷陣而歿旋經招撫事平敘功蔭子國賢爲把總後官至龍門都司

蕭志

吳壯猷字克其號元圃大林人廩生榮光曾孫任虎門參府陞海口協有勇畧能入水提鎗戰海濤激湍不懼嘉慶年間烏石二海田九等肆掠瓊海猷帶船巡哨親擐矢石不避艱險其戰多捷沿海獲安人倚之如長城卒年三十餘

採訪

奮勇

明

國朝

明

蔡從龍梁陳二人明崇禎歲貢生舉義兵被戮於

前村村前大石邊

採訪

張紹鵬崇禎年間土寇猖獗鵬集鄉勇捍禦境賴

以安林道憲獎以守備冠帶贈義重鄉評匾後

復被賊殺死鄉人刻其像配祀武郁廟

王世臣衛所人原襲指揮職自京師還順治四年

丁亥四月初二日

王師南渡臣單刀匹馬馳出教場迎戰死

舊志

崔上臣海南衛崔斌子順治四年四月初二

王師徇瓊臣匿身西黎七月破家募黎兵與定安廩

瓊山縣志

卷二十

人物一

忠義

四

生吳履泰赴難壘於上那邕都邁元坡縣丞翟

天擢領兵夾擊殺吳履泰於江邊執臣以歸

同上

國朝

蔡傑遵都叠村人有勇力善騎射康熙年間楊鬍

鬚陷定安渡江破蒼原員山等村轉圍叠村傑

率眾捍禦出戰遇伏遂遇害所騎馬奔回至家

尸始僵郡城救兵到圍得解

吳道權烈樓人由武庠補右營把總年老告歸嘉

慶庚午海賊烏石二海田九等搖蕩濱海苦之

權招鄉勇同官軍捍禦賊平總鎮馬應國愛其

壯勇保舉千總辭不就百總制齡獎以梓里千

城區詳呈加衛千總銜卒年五十四子中桂孫
家傳俱武庠生 採訪

黎必耀字尊亭官千戎府后市人萬陵間有牛嶺
黎匪互巢道光二十五年奉委查捕得巨賊二
十餘正法巢卒因設鐵箭以圍練黎岐囑服文
昌進士雲茂琦爲記各紳士賦詩贈之

張遇春字文炳把總五原人例貢生錦孫外委瑞
龍子善騎射有奇氣歷守萬州會同儋州汎艱
險不避咸豐元年守調南變起倉猝奮勇力敵
被數十鎗而死

張志剛西門內人官外委咸豐元年儋州調南亂

瓊山縣志

卷二十

人物二

奮勇

一五

盡力禦敵死之 俱同上

人物志三孝友 元 明 國朝

元

王紹北冲人元初寇亂父為義兵歿於陣紹方弱
冠手持刀斧奮勇赴難以身殉之蕭志

明

蔡庸字秉常瓊之戎士永樂中備倭海上於萬全
獨洲洋為賊所俘後至日本投其國僧久之乘
間泣言母老在堂僧惻然白其主得釋遂相率
賦詩名萬里一歸人卷贈之及歸母尚無恙而

庸已年七十餘矣鄉里莫不嘆異阮通志

榮瑄前所人三歲而孤與兄琇並以孝聞明史鄭誠傳

瓊山縣志 卷二十

人物三 孝友

六

天順四年土賊據瓊城殺不附已者以威眾半
夜變起倉卒城中多棄老幼走瑄獨與兄琇扶
母逃賊漸迫自知不免琇謂瑄曰事急矣二人
並死無益我衛母汝急去庶幾脫得一人養母
此天幸也瑄去琇扶母為賊獲脅以行不從賊
大怒按刀母頸謂琇曰我先殺爾母次及爾何
如琇叩首曰乞免母死賊遂擄琇與其母去及
大軍壓郡琇自賊中出為官軍獲執送主將將
斬之瑄冒死前進叩首流血請曰兄以活母陷
於賊今母老家貧恃兄為命兄死母亦死瑄屢
弱不足為有亡昔日暹賊本不圖生用兄言走

脫嘗恨不得代兄一死今乃得死所願存兄養
母言辭悽慘主將不察竟殺之既翻然悔曰凡
爲人兄弟皆當知有此義好人好人枉殺矣遠
近莫不灑淚嘆惜牛志

王恢字撫潭烈樓那村人其子忱兄時號爲清
修吉士事親孝廬墓三年墓前有白兔守靈芝
之瑞子朝隆歲貢生向武判官別有傳採訪

唐繼祖東廂人舟孫任長沙衛經歷家素貧與兄
承祖弟紹祖顯祖四人友愛極篤成化間紹祖
虧官料逮追繼祖賣其妻從嫁田數百金爲償
妻馮氏亦無難色鄉里以爲賢郝通志

瓊山縣志

卷二十

人物三

孝友

七

鄭稽字考夫烈樓二人成化癸卯舉人與兄穉早
失怙恃孤苦相依及長不忍分爨知洛容縣奉
入皆穉主之纖毫不入私室穉沒奉嫂益恭鞠
二女擇士人歸之鄉人取田真之事名其居曰
荆茂賦詩頌之黃通志

唐縉郭志

字紹之東廂人南城司訓卿舊志

之子

處州府學訓導父病侍奉勤苦備至卒廬墓終
喪間里白其事於上司移文旌獎令太守謝廷
瑞奉幣詣其家戴通志

周禎東洋員山人少失恃遭繼母李氏有人所不
堪言者禎不忍使人知李恐溢其情反以見誣

父不察時加筆楚終不白其事禎竟至於枉死
人咸謂其有申生之節伯奇之操

採訪

楊禎中所人家貧與弟二人共爨出同行入同食
友愛老而不替庭樹荆花葉時茂偶歲不花遂
卒其妻李氏尤賢淑雖織財不私時勤幹濟家

用亦殷裕

牛志

張可載東廂人郡庠生隆慶五年倭犯海口可載
挾父逃賊傷其父可載奮力持刀殺賊一人賊
退乃負父密藏出求救官軍竟無應者父死可
載痛恨控訴官軍懼賄白金不受事聞督學巡
按移檄旌之

牛志

乾隆十二年祀忠義孝弟祠

舊志

瓊山縣志

卷二十

人物三

孝友

八

王盤郡庠生性篤孝隆慶六年寇入海口城擄其
母盤貧無所有多方丐貲以贖母幸脫繼至者
責如前盤無以應願以死生母賊怒俱殺之

阮通志

徐福左所人父病割股和羹以進

舊志

孫思誠字明之廕姪孫性孝友重義樂貧居喪不

入寢室飲食必奠者終其身晚年寄興梅竹一
切世味泊如也

牛志

陳鉞字安侯蒼原人郡庠生性資穎異日記萬言
文行兼優督學蔡可泉李洪西亟稱之丁母制
讀禮哀毀骨立值倭寇焚棺劫掠獻家所有於

賊抱母棺慘哭倭感其孝獲免歲祲煮粥賑饑捐棺瘞骸置船以利河津分穀以濟族中貧者

賈志

李廷茂歲貢生任贛州訓導父母沒廬墓終喪巡道表其宅曰李孝子郡守同知柳邦傑賦詩贈之中年失偶誓不再娶

周維城東岸人性孝友海忠介以女妻之居母喪賊掠其家未厭欲砍棺維城極力抵護被賊刃死鄉人舉聞兩院旌獎

俱同上

李輔聖西廂人生員李應和子儒素承家硯田度活崇禎八年繼母王氏病危割股和羹至誠格

瓊山縣志

卷二十

人物三

孝友

九

天母病愈道府旌獎其門曰篤孝

牛志

國朝

周其都東洋人歲貢生明歲貢明鳳子性孝友

國初土酋擾亂擄其父去其都入賊巢救出之癸巳饑斗米銀三兩負米養親無缺父卒哀痛盡禮子姪學無資者竭力助之爲人淡忘勢利足跡不至公門子國畧庠生孫景中康熙乙酉鄉式

舊志

林昌運東廂人林春先養子自幼肩挑負販以養父母母符氏病篤失明昌運割股籲天母目復明病亦獲痊鄰里異之

郝通志

乾隆五十三年以孝行旌

阮通志

子典編修詳名

賢季子玠恩貢生詳卓行

張載燻字德庵廩生性孝友敦睦宗族事繼母先
意承志得其懽心外祖父歿無嗣爲之立後又
出已貲建專祠並置東排田莊爲承嘗費歲時
必躬親與祭遺命子孫率循至今不廢

張志

黃政懽字瑞祥環瑯圖粟園坡人父廣雲監生性
豪邁慷慨好義里閭多沾其惠後因業師鄭某
故其妻爲林家誣控抱不白冤雲不平代鳴官
官不察竟屈法充雲於遠地聞者爲之泣下政
懽性至孝痛父非辜羅罪願以身代官不允跟

瓊山縣志

卷二十

人物三

孝友

十一

至電白縣父勸其母老弟釋不必以我爲念因
泣歸朝夕向西南涕泣禱天默佑年餘其父竟
於貴州麻哈州卒懽年十餘痛絕再三乃抱淚
步至麻哈州尋之越二載方得骸骨負回塋其
孝行至今人猶稱道不衰云

採訪

人物志四 儒林 明 國朝

明

唐濂伯東廂人隨父虔任閩中歸負雋名楊僉憲稱爲嶺南秀士無雙赴省試與潮士許仁齊名景泰癸酉榜發解許即亞之未會試卒王桐鄉題其墓曰他時若問田邊墓五嶺南來第一人

牛志

王斌邕陽人天順間由府貢選湖廣常德龍陽縣丞陞武陵知縣多有善政初龍陽民歌曰王父母築圍堤民樂利我無饑嗣武陵民又歌曰王公政化公民家無怨庭無冤萬曆十二年祀龍

瓊山縣志 卷二十

人物四 儒林 十三

陽名宦 採訪

陳縝字克紹蒼原人父經宣德乙卯舉人授灌陽

訓導縝童年稱異貢赴廷試立雪邱文莊公門

察采燕集分韻覓詩縝輒先成成即噲炙人口

靡不磬折劉公健謝公遷王公整因咏梅詩擊

節獎賞稱爲吾輩畏友成化丙午領鄉薦宏治

癸丑成進士選庶常文莊公爲作存笥語序嘗

云政府一片席終非異人任其期望者大也縝

著論以爲文章經國在國初則有劉伯溫宋景

濂王子充方正學永宣則有解大紳胡光大楊

文貞在正統則有李文忠劉文安皆麗藻豐腴

未有明體適用酌古準今斐然如邱仲深先生者廖學士道南極贊以爲知言年五十餘乞歸

葬親卒於粵省所著有唾餘稿藏家集邱文莊公唾餘稿

並陳祖功續序

周賓字廷重號懶齋東洋員山人祖昇以禮經領

正統甲子鄉薦戊辰中乙榜辭不就職時與文

莊公友善慰留之卒業太學賓弱冠登成化丙

午鄉薦春闈中明通榜進士殯亡友於京師授

曲江訓導曲江近少科第賓以禮經授鄧元唐

鳳篤意栽培鄧唐相繼發魁士林翕然尊之下

母艱起改補三河學三月擢廣西桂林府推官

瓊山縣志

卷二十

人物四 儒林

三

明慎清勤帶管倉糧一年積羨餘米千餘石悉

歸之官上官交章旌獎尋陞武昌府通判益自

飭勵聲譽隆洽武昌民德之立生祠以祀林士元墓誌

乞歸吟咏自適絕跡公庭年八十一卒祀桂

林名宦宗本墓表子管邑庠生孝友慎密孫澍郡廩

生博涉羣書名噪庠序採訪

陳憲左所人庠生博覽好學構書舍於川南咏讀

自適事繼母以孝稱居鄉勸人爲善有王彥方

風賈志郡四舉鄉賓值指陳道基旌之日年高有

德給米粟以示存問牛志享年七十有六弟宏中

宏治甲子鄉式任崇安教諭子中道樂明經訓

歸善陞岷府教授

舊志

蔡廷相字仲揆又字元弼號石潭壘村人性孝友
聰明由邑廩領嘉靖甲午鄉薦授廣西梧州府
藤縣令丁內外艱起復赴京掌丙辰會試瞻錄
事竣補授福建延平府南平縣令剔蠱振弊歲
賦催科造蝴蝶票民安而不擾寇變倭警饑饉
並至謀濟兵荒調度奔走身當而不憚勞才猷
練達見知余道委編順昌等徭役審覈通明六
邑稱平士民鐫石碑祀名宦尚書鍾陽馬公爲
作森表記子時行字仲吾以邑廩領萬曆辛卯
鄉薦克承父志孫蘇歲貢生任番禺訓導陞永

瓊山縣志

卷二十

人物四

儒林

十四

寧學正教訓有方壽八十九曾孫一德字爾端
號石麟崇禎丙子舉人庚辰進士上表稱旨將
大用而卒弟一暘字爾開號寅谷性孝順崇禎
庚午舉人當鼎革保全宗族不仕順治甲午卒

於家

採訪

鄭汝喬字允昇穎悟博洽領嘉靖丁酉鄉薦從湛
甘泉講授三年歸篤志樂貧精思實踐甲辰中
乙榜以親老侍養不仕

蕭志

吳恪性資謹飭有君子風匪人濫賓飲恪抗聲郡
庭賓筵肅然始訓晉庠不責生徒修贄論邑時
嚴督課程科目蒸蒸多所成就

牛志

曾應唯資稟高明範身矩度嘗構義方堂集鄉族子弟講習修身齊家大義所著有家禮存羊儀

節數卷

賈志

馮天與郡庠生少聰敏博覽諸書性孝友卓有藻鑑能知人於塵埃中士大夫皆重愛之

牛志

陳維臣字汝弼博茂人言語必信取與不苟教弟維翰以禮經魁於鄉每以黷貨戒之撫二異母弟極其友愛郡守周思久蒞學宮首訪行誼延之登堂優以賓禮凡有裨治理者必諮焉

賈志

余啟字允明庠生家貧好學聚徒受業所得學資悉與兄姊共之孤姪無依撫養不異己子與鄉

瓊山縣志

卷三十

人物四

儒林

十五

黨接恭敬不少弛郡守周思久節推徐邦佐謂其人當於古人中求之

牛志

王世昇郡廩生少孤貧力學待寡嫂撫孤姪盡力維持教授於鄉海忠介稱為純篤長者

賈志

陳邦猷東岸人高明縣教諭博學篤行母老謝仕歸郡王兩造廬三舉鄉賓其行誼多可式者

賈志

林琅庠生質直好學喜周人急年九十手不釋卷所著有家禮復古考正祀典道統女訓等錄

牛志

鄭儒字子珍廷鵠子自髫齡多得庭訓隨父宦遊

京省益長見聞淹貫經史詩文有出塵之趣由歲貢始訓容縣歷上海連州陞廣州教授所在

卻贊勤課士多成就有竊位箴以自警棄井銘
以訓士科貢題名以揚前烈勸來學歸老篆堂
額曰留餘軒祀連陽名宦賈志

牛全字以成前所人郡庠生正直禔躬清高絕俗
撫兄子不啻己出恤孤惠族義方教子晚歲食
貧趨操益勵浩歌自得恬如也所著格言詩草
有云念念有天隨著步行行那地不堪家胸次
悠然有度越人者牛志

邱承箕字庭梅郡庠生大學士濬六世孫博洽經
史篤於彝倫事嫡母菽水承歡季入廩金悉以
奉養毫無所私推良田以給妹匱資刻文莊史

瓊山縣志

卷二十

人物四 儒林

十六

綱學的諸編行世所著有戴記講意扶搖正言
牛志

張子翼字汝臨號事軒官隆三圖嘉湖人穎悟異
常研精六藝漁獵百家弱冠登嘉靖丙午亞魁
授武昌教諭卻贊濟貧立程課士當道以為楚
中廣文第一陞陸川知縣遷文廟以作人文濬
新河以開風氣造敵樓以禦寇建茶亭以濟民
陸川崇祀名宦所著有摘稿梓存於家海忠介
為之序以子紹初官貴陽分府贈承德郎探訪

陳日新少以詩詞著名性孝友事祖母盡道恩薦
赴省中途聞祖疾即棄貢歸事孀母順志承顏

司訓德慶有蘇湖風甘守清白

牛志

馮嘉遇字載賡博聞稽古以三禮領天啟甲子鄉

薦天資純孝篤志承歡睦族信友輕貨好義赴

南宮不利遂絕意進取當途交章推薦以不忍

離母郤之年七十五梓里尊為文獻

蕭志

國朝

吳黃煥字章甫興義人萬州籍歲貢自少能文博

涉經史生徒質疑者屢滿戶外賈公棠修郡志

序記皆其手定為人剛直樸訥一遵禮法卒年

七十有二子宇憲孫國卿皆廩生

蕭志

張覃勳字爾厚歲貢生官隆人幼聰敏善詩文規

瓊山縣志

卷三十

人物四 儒林

十七

言矩行安貧好學事繼母得其歡心撫弱弟俾

克成立絕跡不履公庭誘掖後進經指授者皆

有家法卒年六十四

蔡文賢字彬魯歲貢天資明慧博覽羣書能為詩

詞古文旁通星厯諸書創議建考院生平簡默

至老手不釋卷授三水司訓卒年七十九

同上

蕭璋字特玉元長子石山人雍正己酉選貢讀書

力學絕意仕進不為謀生計或勸之答曰人貴

立志耳安用此阿堵為於舍傍築小軒曰繼勿

與後進講論詩文老而弗倦

蕭志

從弟宏猷增生

幼失怙恃事伯父以孝聞厚實簡默鄉里咸尊

重之訪

杜克紹字象伯號文池烈樓人十四歲入庠長益發奮前後赴端溪書院肄業凡十二年院長曹嶺吳延熙咸器重之選乾隆癸酉拔貢飭躬勵行舌耕所得未嘗私蓄門內雍然教訓生徒日與討論經義講求聲律銓海康教諭未任卒弟克緯郡庠生有智略舊有平糶社倉為圖中累倡呈歸官又置產為經催之費鄉人賴之以姪以寬欽州學正馳贈修職郎同上

鄭鎮字藩宇西廂人孝子存禮曾孫博學能文領

乾隆壬午鄉薦分發直隸攝深州授柏鄉縣乙

瓊山縣志

卷二十

人物四

儒林

十六

未丙申兩逢

車駕南巡蒙

恩賚帶珮綵幣癸卯以卓異調正定服官十餘載所

至有政聲而柏鄉人尤思慕不置晚乞歸養恬

淡以終

張志

雲志達號石田下田人由拔貢充教習中乾隆壬

午順天副榜任廣寧教諭調欽州學正陞潮州

府教授湛深經術課士論文一秉先民矩矱居

官持正不阿士有屈抑者必為伸理其或不軌

於正加痛懲不少寬貸人以此畏而愛之

參廉州志

堂兄志清性孝友侍親疾食不甘味志達自幼

學迄

廷試多蒙其賜卹鄉里不和者善爲勸處里人欽

之採訪

王斗文字儲齋烈樓那秫村人父起歲貢生爲人醇厚古質潛心經學讀書成誦終身不忘斗文質學純粹爲文秀妍肄業瓊臺院長武林吳光昇深器之乾隆戊子以春秋領鄉薦辛卯恩科進士在京資助建瓊州會館於靈中坊歸卒年三十三張志

王時宇字允修東廂人由優貢中乾隆庚寅順天鄉試大挑授饒平訓導以嫡母老告歸比銓縣

瓊山縣志

卷二十

人物四

儒林

十九

令復以生母老改就國子學正遂不出至瓊臺講席多所成就嘗纂修郡志手校白玉蟾集蘇長公海外集瓊臺詩話裨海摘要諸書子文藻孫元階俱拔貢

王之藩字价伯永都人天性超邁讀書飲酒自忘其貧經史中得其精液而棄其糟粕爲文提要鉤元乾隆甲午登賢書戊戌會試房薦不第將南歸房師相國朱文正公贈以資斧勉留京邸庚子成進士任韶州府學教授日與諸生論文講義卒於任士林慟焉子孚若歲貢生篤古能文張方伯岳崧深愛之

馮珍字錫爾號福塘蘇尋二圖美帖村人由歲貢
中乾隆己亥

恩科順天鄉式少嗜學老而彌篤尤精於易北學京
師主講直隸柏鄉書院四載成就多名士丁母
憂廬墓三年晚年選翁源學訓導不赴以授徒
爲業從遊者多擬巍科著有易經釋要四書講
義會約小鑑家禮合編編修吳典有序子漸充
四庫謄錄館授湖南益陽縣丞調補麻陽縣丞
陞永順知縣加知州銜

採訪

李琦字行超號卓齋東岸人幼嗜學工文詞書法
乾隆庚子舉於鄉甲辰成進士 朝考第三授

瓊山縣志

卷二十

人物四

儒林

二十

國子監學正改銓河南桐柏知縣循川楚教匪
滋事團練民壯保境賊猝至馳赴南陽鎮請兵
協同守禦賊退境賴安全調赴大營督糧餉上
憲請敘軍功及歸任查辦災賑勞瘁備至士民
德之年五十卒於官宦囊如洗邑人醵資扶櫬
以歸

陳琮字達權興義人敏悟好學爲文有理致九赴
秋闈屢蹶愈厲乾隆丙午魁鄉薦丁未聯捷進
士選授陝西淳化知縣邑故磽瘠習尙樸野與
民安之以不能屈意上官遂告歸

同上

符家麟字書圃西廂人性渾厚學問淹貫學使李

贊菴稱爲瓊南得二士與李琦齊名親疾禱以身代及沒茹素三年由

恩貢任保昌從化教諭調欽州學正加意作人士風丕振所至咸思慕之

參廉州志

子顯鐸職按照顯欽

歲貢生

符元禮字敬輿號立齋演順圖瑤城人祖士璉廩貢生博涉經史授生徒不責脩脯好義樂施人以爲有隱德元禮領乾隆癸卯鄉薦有甘姓田爲通縣收米票費歲久胥吏復取陋規禮力控出爲賓興田皮池在西門外傷郡城地脈禮與眾紳控於官官以古聖不言形家詰禮曰書言

瓊山縣志

卷二十

人物四

儒林

三

澗水東澗水西詩言相陰陽觀流泉何謂不言官無以答因徙郡城北自後科甲遂盛選福建泉州府安溪縣引見後卒於京邸子瑞歲貢生孫會開廩生會選庠生

王承烈號揚齋西廂人幼聰雋博學善詩古文辭弱冠補諸生嘉慶辛酉舉於鄉文品純粹一如其人王瓊臺講席遠近從遊者多被教澤性廉謹家居府治足不履公庭郡邑公舉必贊成之道光初舉孝廉方正加六品章服弟天祐拔貢生以才幹稱邑中公事多其經畫子廷傅拔貢

生張志

杜以寬字綽卿號栗莊烈樓人父克純潛靜好學
篤實敦倫常讀程子四箴以自省以寬剛方負
氣見必行言必信聰穎博涉經典嘉慶庚午膺
鄉薦授廣寧教諭調欽州學正修州志送費金
不收與諸生講論最洽設牌於書院祀之俸滿
回與張方伯岳崧修郡文廟及府志工竣復任
番禺訓導擢肇慶教授未任卒年七十五

同上

人物志五

文苑

元

明

國朝

元

林靖能詩文

志

明

曾儻字光啟號雙溪西廂二水人天順間以貢遊

太學有詩名

志

王朝隆字國昌烈樓那秫人忱姪向武判官詩文

如馮海雖無家數然信口充贍其博學多文不

亞張忬王桐鄉避庚申之亂多藉講論以慰

通戴

志

楊碧石所人自少工詩清響飄逸旁通真草篆隸

瓊山縣志

卷二十

人物五

文苑

二十三

牛志

李珊官隆人景泰癸酉舉於鄉成化丙戌進士授

行人使占城賜從一品服

據墓碑

選南京福建道

御史陞廣西僉事整飭柳慶兵備詩文敏暢有

古愚集

牛志

蔡齊宸字侍朝號相宅遵都人聰慧沈靜弱冠補

郡庠成化甲午領鄉薦時文莊公為大司成留

卒業太學與蔣公冕友善授江西信豐令文莊

贈行詩有七絕五首廉潔自守不阿權貴改福

建寧德令治稱仁厚卒年八十有九族姪秉乾

字惟貞號東田性行剛直正德丁卯鄉薦肄業

太學大司馬胡公重之授廣西貴縣令俗願黠
操縱惟存大體開誠布公奸猾畏服採訪

陳衍調塘一人年二十八始發憤登成化丁酉賢
書肄業成均期滿送吏部上選中宏治癸丑明
通榜除江西南康府星子令抑強扶弱政簡刑
清有巨族查姓兄佔弟產弟儒年尙小其族人
引之控兄私以百金不受斷歸產於弟判訖弟
泣不去問故答云以弟控兄恐不見容衍見其
器宇軒昂因撫爲子查隨登第選文昌令先到
其家訪衍時衍已捐館未塋查詣棺所哭泣如
親喪者數日爲之營塋置田七十丁爲祭田令

瓊山縣志

卷三

人物五

文苑

三

族中子弟應試文昌進庠者一榜九人

王濂字師周號南巖遵都人父用歲貢定遠教授
濂領成化癸卯鄉薦諭浙江新昌遷江西新建
卽陞新建知縣政清民和歷仕二十五年宦囊
如洗正德辛未致仕輔國將軍朱希文作青甕
繼世詩序福建布政司參議熊達作致仕還鄉
詩序年九十三現詩集存於家同上

周奇健東洋人成化丙午鄉薦詩文少作作必精
簡有趣後令靖江歸以酒自娛有晉人風致所
餘俸置田賑族中貧乏者作保族箴以戒子孫
參張姪宗本字立之號務齋少負奇質穎悟絕
志

人正德甲戌進士知溧陽縣令有政績累陞工部營繕司郎中卒廣西參政林士元銘其墓採訪

甘永泰東洋人篤學力行宏治乙卯舉於鄉任溫州通判政清民和有古良吏風採訪

周世昭字景服號一陽東洋人父仲良正德己卯亞魁世昭聰穎博洽嘉靖壬午鄉薦乙未成進

士除北京戶部貴州清吏司主事堂兄鳴皋字淑誠嘉靖辛卯鄉薦性純學確舉動光明同上

唐冕字元瞻東廂人乾昇孫幼遊郡學治舉業旁通詩辭句多警拔叔善繼製過華清宮漂母墓

二詩責之和冕援筆立就善繼大驚曰真唐音

瓊山縣志

卷二十

人物五 文苑 三五

也也冕有野水春草之作時爭傳誦年僅二十

而卒其和過華清宮詩云寒風吹雨雜鳴鸞日影西沈樹色寒歌舞不來春又盡飛花無語過

欄干漂母墓詩云千金酬一飯古墓動高秋樹色山村外江聲日夜流楚碑春露泣荆水暮鴉

愁芳草王孫路年年牧豎遊戴通志

柯呈秀德慶濱濂村人學識沉摯品行高古舉萬曆戊午鄉試任順昌知縣有居業集牛志

國朝

周景字仰山號肖溪東洋員山人孝友其都孫性剛方學問淹博為文氣格道上以易經登康熙

乙酉亞魁前纂修縣志

採訪

謝寶字紫樹海口人康熙戊子舉於鄉雍正甲辰

進士天資高曠不拘小節任肇慶府學教授與

當道議論不合棄官歸精形家言有人倫鑒設

教瓊文間後學多所成就如文昌進士張日昫

瓊山孝廉馮瀧皆預為賞識藻鑑不爽

蕭志

王凝機號問溪那邕人康熙間歲貢品端行潔善

詩文工草書邑乘殘缺獨有志修明搜討編輯

多出其手年八十餘方瞳皓髯吟咏不輟飄飄

有出塵之概

同上

周政府府志字敘九遵都人家貧力學博洽羣書

瓊山縣志

卷二十

人物五 文苑

二十六

資性高朗為文取法先正康熙丁酉登賢書卒

年四十餘士林惜之子永祚廩生永祥增廣生

陳毓浚字騰川號蛟門調塘一都皇瀛村人勤學

好問博洽多能兼曉歧黃領乾隆壬申 恩科

鄉薦學以心得為主教人有法多所成就發科

者踵相接選陝西懷遠令吏服民懷歷署隴州

同知鄜州知州靖陽饒務所至有政聲後改補

潮陽學卒於任宦囊蕭然著有秦中雜吟詩集

前令懷遠時有竇姓兄佔弟產判歸弟并撫養

之後登第選定安令法卒到家盡禮以艱去託

文昌令李友枚到家卜葬一如其遠祖陳衍事

周其焜字日明郡廩生員山人博學通經眾推宿

儒主講尚友書院為多士楷模門多髦士人欽仰之

吳榮光字被宇大林都人邑廩生博學篤行教人有法諄諄不倦從遊者多名士壽七十七子瑋廩膳生曾孫壯猷虎門中軍參府陞海口協別詳義勇傳採訪

林淇菴字汝漪增生性孤介不慕榮利為文峭刻不趨時尚工詩善書嘗於浮粟泉泥塗中獲石刻東坡像奉置於坡公祠常好遊名勝有高士

風蕭志

黃光祖字繩其歲貢遵都人少力學手不釋卷為

瓊山縣志

卷三十

人物五

文苑

二十七

文精簡有趣鄉試屢薦不售教授生徒必根柢於經多所成就甲午瓊山中雋者三俱出其門子金華字勳猷乾隆戊申舉於鄉砥礪品學淡泊自甘有能人所不能者人服其難

吳魁朝字爵一雷虎人父啟賢字秀峯寬和正直樂善好義魁朝博覽羣書好學不倦品行嚴峻為文思深力厚尤工楷法由廩貢赴國子監肄業充三通館膳錄官乾隆甲午舉於鄉弟魁仕字星垣恩貢生渾厚篤實少穎悟潛心經史為文一秉先民矩矱粵秀山長馮梅溪深器之選惠來學未赴任卒壽七十八朝孫為經邑庠仕

子以誨邑庠以識例貢以誠按察司照磨
黃兆炳烈樓人性質穎異品行端純乾隆丁酉領
鄉薦主司奇其文再三贊賞家貧舌耕筆織爲
業無他營求晏如也

林文煥字章甫號炯齋歲貢生嚴正而寬厚率性
任真到老手不釋卷教徒有法成就者多任保
昌學政程鄉訓導諸生之挺出者艱於赴試必
助之多獲雋人稱藻鑑之精庚午 欽賜舉人
旋催恩平學乙亥告歸卒年八十一
杜應清字恒哉號東屏博感人少聰明爲文清新
俊逸由廩生領乾隆壬子鄉薦主講雁峯尙友

瓊山縣志

卷三十

人物五

文苑

十六

二書院門多名雋晚年部文屢催不赴改國子
監主簿爲人不拘繩尺而平坦樂易領其教者
藹然如坐春風中

同上

馮定儒字學稱號東觀美帖村人祖翰士字屏侯
篤志好學弱冠食餼北學京師領乾隆辛卯順
天鄉薦文深純和雅有先正風父鳴珍字聞遠
附生卽用縣丞處家有法教子義方以孫政綰
誥贈奉直大夫湖南長沙府通判加知州銜定
儒生而穎異博涉經史髫年試輒冠軍爲文援
筆立就工詩賦提學姚文田以爲海外僅見肄
業越華同輩中無不推服由優貢領嘉慶戊辰

鄉薦以子政館誥贈奉直大夫湖南長沙府通

判加知州銜

採訪

曾日躋字景湯號敬亭桂林都人敦厚樸素孝友
因心與人任誠率真一生無倦容好學手不釋
卷博覽經史嘉慶丁卯優貢主講瓊臺知名士
多出其門卒後選翁源訓導

陳韶中字和五號致堂西門街人嘉慶庚午優貢
生性孝質敏博覽羣書善屬文試屢冠軍亟為
學憲陳荔峯稱賞方伯張翰山雅重之延課諸
子於京邸御史張鍾彥實出其門卒後選封川

訓導

採訪

瓊山縣志

卷三

人物五

文苑

二十九

柯世振號春堂東廂一人賦性溫和與人無忤詩
文秀雅似不經意而成嘉慶癸酉領鄉魁年三
十六而卒

楊文熙字敬亭號乾菴道前街人祖信川廩生善
詩賦熙少貧力學坦直待人肄業書院亟為當
道嘆賞七薦不售復肆力於東西漢文制藝醇
茂淵懿道光甲辰舉於鄉丁未成進士 分發
雲南歷署呈貢嶧峨縣卒於任

採訪